







**Хотира**

– Ўғлим билан ҳеч қачон сен-менга бормагандик. У доим мени қадрларди, авайларди. Уйга охири бор келганида бир нарсдан қаттиқ тортишиб қолдик. Жаҳлим чиқди, орқасидан бориб елкасига бир урдим. Менга ўгирилиб қаради-да, индамади. Кейин чиқиб кетди. Ушандан кейин уни қайтиб кўрмадим. Ҳалигача ўйлайман, менимча, у ўлимини сезган ва кўнглим қолиши учун атайин шундай қилган бўлса керак, – сержант Муҳиддин Эштемировнинг (марҳум) 73 ёшни қаршилаган онаси Манзура Диллаеванинг сўзларини ўтирганлар жим тинглашарди.

Меҳмонлардан бири: «Онажон, бир кунда минглаб чақалоқ дунёга келади, минглаб инсон вафот этади. Лекин

**Посбон образига содиқ қаҳрамон**

уларнинг ҳаммасининг ҳам онаси қаҳрамон эмас», дея сукунатни бузди. Ҳа, Муҳиддин Эштемиров 2000 йили Саросиё воқеаларида душманга қарши жангда Ватан ҳимояси йўлида мардларча ҳалок бўлган.

Меҳмонлар бир пиёла чой устида мард ўғлоннинг суратлари, олган мукофотлари ва ёзган мактубларини кўздан кечиришди. Шундан сўнг, яна тез-тез келиб туриш шарти билан Муҳиддин Эштемиров таҳсил кўрган Термиз туманидаги



**Азиз НОРҚУЛОВ,**  
капитан



**Ғурур**

Ҳар йили юртимизда Ватан ҳимоячилари кунига бағишланган тадбирлар ўтказиб турилади. Улардаги ўзгача руҳ кўпчилик қатори бизнинг оиламиз аъзоларининг ҳам кайфиятини кўтареди.

## Оилам билан фахрланаман

Зеро, ватанпарварлик – юртни садоқат ва меҳр ила севиш, эл-улус тинчлиги учун ўз ҳаловатидан воз кечишга тайёр бўлиш демакдир. Бундай матонат ва жасорат фақатгина аскарларимиз ва оилалар устун бўлган эр йигитларга хос фазилатдир! Мен буни чин қалбдан ҳис этаман, чунки ҳарбийлар оиласида туғилиб ўсганман.

Бундан икки ҳафта бурун бизнинг хонадонимизда ҳам Янги йил байрами нишонланди. Унга кун бўйи ҳозирлик кўриб, чиройли дастурхон безадик. Кечки пайт одатдагидек аёллар ва болалар унинг атрофига тўпландик. Бир маҳал мен беихтиёр ҳарбий билим юртида таҳсил олаётган дўстимни эслаб, унга кўнгирак қилдим. «Гуруҳимиз билан ҳудуднинг марказий ёқилги базасида навбатчиликдамыз», деган жавобни эшитган, кўнглимни алланечук туйғуллар забт этди ва хаёлимдан «Биз кўркем-шинам хонадаги дастурхон атрофидамиз, улар эса хизматда. Ишқилиб, бахтимизга барчаси соғ-омон бўлсин!», деган фикр ўтди.

Онамнинг ака-укалари ва жиянлари

ҳам ҳарбий соҳада фаолият юритишаётгани боис уларга кўнгирак қилиб, байрам билан табрикладик. Энг охирида тоғам билан гаплашдик. Бироқ суҳбат якунида онам бироз маънос тортиди, салгина ўтгач, ўзини кўлга олиб, шукрона келтирди.

Дарвоқе, халқимиз тўй ва байрамларни оила давралида жамулжам бўлиб нишонлашга одатланган бўлса-да, ўша дамларда ҳарбийларимизнинг аксарияти хизмат вазифасини ўтаётган бўлишади. Чунки улар ўз ҳаётларини она Ватанимизни кўриқлаш, кўз қорачиғидек асраб-авайлаш ва ҳимоялаш учун бахшида этишга аҳд қилишган. Қон-қонларига ватанпарварлик ва мардлик туйғулари сингиб кетган.

Ана шунинг учун ҳам мен ватан ҳимоячилари оиласида дунёга келганимдан фахрланаман ва «Ҳарбийлар зурриёдиман!» деган гапни ҳар доим ғурур билан айта оламан.

**Нозима РАВШАНОВА,**  
Тошкент давлат ўзбек тили ва адабиёти университети талабаси



**Тақдимот**

## ФРОНТДАН МАКТУБЛАР Тўплами

«Ўзархив» агентлиги архивларда қарийб саксон йил давомида сақланган Иккинчи жаҳон уруши даврида ўзбек жангчиларининг фронтдан юборилган мактубларини китоб ҳолида жамлади.

Мактуб – ҳаётнинг бир парчаси. Қалб сўзларидан тўкилган сатрларни ўқир экансиз, мактуб эгасининг ҳаёти, тасвириётган воқеалар беихтиёр кўз олдинида гавдаланади. Бир мuddат сиз ҳам ўша он, ўша лаҳзалар билан яшайсиз.


«Ўзархив» агентлиги томонидан хайрли ташаббусга қўл урилди. Архив тизимида қарийб саксон йил давомида сақланиб келаётган Иккинчи жаҳон уруши даврида ўзбек жангчиларининг фронтдан юборилган мактублари китоб ҳолида жамланди.

Миллий матбуот марказида «Аскар мактублари» китоб-альбомининг тақдимоти бўлиб ўтди.

Унда «Аскар мактублари» китобида жангчиларнинг ота-оналари, қариндош-уруғлари ҳамда ёру биродарларга йўллаган самимий дил изҳорлари ва эзгу тилаклари акс эттирилгани, энг муҳими, давлат архивларидаги 5 мингдан зиёд аскар мактубларининг бирортасида ўлимдан кўрқиб, қийинчиликлардан нолиш қайд этилмагани алоҳида таъкидланди. Бу, айниқса, ёшларнинг Иккинчи жаҳон урушидаги ўзбек аскарлари қаҳрамонликлари, уларнинг жасорати, ғалабага бўлган ишонч ҳамда Ватан, оиласига бўлган севгисидан ибрат олиб, ота-боболаримизга хурмат ва эҳтиром туйғусини кучайтиради.

Тақдимотдан сўнг ташкилотчилар журналистларни қизиқтирган саволларга батафсил жавоб беришди.

**Гулрухбегим ОДАШБЕКОВА**  
«ISHONCH»



**Эълон**

Тошкент шаҳри Олмазор туманидаги «International Educational Services Central Asia» МЧЖ томонидан 2022 йилда Камилов Ахмад Асамидинович номига берилган ТМ 1907027 рақамли аттестат йўқолгани сабабли бекор қилинди.

**Ватан – онадек азиз! Уни бегоналар ва ёмон мақсадли кўзлардан асраш, унинг ҳимоясида бўлиш барча ўғил-қизларнинг муқаддас бурчидир.**

## Таълим ва фан ходимлари касаба уюшмаси Тошкент тумани кенгаши жамоаси



**14**

**ЯНВАРЬ – ВАТАН ҲИМОЯЧИЛАРИ КУНИ**

**билан самимий муборакбод этади!**

